



Informacija za studente, vezano za početak zaduženja u studentske domove u akademskoj 2024/2025. godini

Zaduženja studenata u studentske domove JU „Studentski centar“ Sarajevo u akademskoj 2024/2025. godini, počinje u ponedjeljak 16.09.2024. godine. Zbog tehničkih problema, nastalih uslijed kasnog završetka tendera za molerske usluge, u određenim paviljonima/krilima zaduženje će početi sedmicu dana kasnije od planiranog, odnosno od 23.09.2024. godine. Studenti koji neće imati mogućnost zaduženja do 23.09.2024. godine, imat će mogućnost boravka sedmicu duže u domu u mjesecu julu, odnosno nakon 15. 07. 2025. godine, kako bi im se kompenzirao zakašnjeni period zaduženja.

- Zbog navedenog moleraja soba u **Studentskom naselju Bjelave zaduženje** u paviljone **II i IV počinje od 23.09.2024.** godine, a zaduženje za **sve ostale paviljone** je od **16.09.2024** godine.
- U **Studentskom domu Nedžarići** studenti koji su smješteni prema rasporedu u paviljonima (**krila**) **C i B, moći će se zadužiti od 23.09.2024.** godine, a **svi ostali od 16.09.2024.** godine.

Molimo studente za razumijevanje, jer sve ovo se radi kako bi studenti uselili u što urednije sobe, u novoj akademskoj godini, a na našu žalost nismo mogli uticati na razloge zakašnjelih radova moleraja u sobama.

Ukoliko ima studenata kojima je neophodno da borave u domu, od 16.09.2024. godine, zbog obaveza na fakultetu, a po rasporedu su smješteni u paviljone (krila) u kojima zaduženje starta od 23.09. otvorena je mogućnost da se jave upravama domova, kako bi se pronašlo rješenje i izašlo u susret dok ne mogu da se zaduže u sobu koju su dobili po rasporedu u akademskoj 2024/2025. godini.

Svim studentima želimo sretan početak nove akademske 2024/2025. godine i uspješan boravak u studentskim domovima.

JU „Studentski centar“ Sarajevo